

An illustration of a shepherd with dark, curly hair and a beard, wearing a tan tunic and a brown shawl. He is kneeling on a rocky ledge, holding a wooden staff in his right hand and reaching out with his left hand towards a white goat. The goat is standing on a rocky outcrop, looking up at the shepherd's hand. The background shows a steep, green mountain slope under a blue sky with light clouds.

Oguvo Hure Ebeeba

Watson Goodman
Okureyi ononi vabeni

Ohe Ovinin —
Evi oyina ovi

Oguvọ Hure Ebeęba

“Oguvọ Hure Ebeęba” vi ahū reyi renyi renyi ana kuvabe huni Ibibu (Ireyi Ohomorihi). Inipisoiko irenyi renyi. Ma nyi ọidowu ka ọyiye Ibibu vana huni reyi Ibibu ọni uvotani.

Ireyi Ohomorihi vana hure ebeęba ve ọnirika isoguvọ pataki ọvini yi-ayi ora-onu ūngwe aku ọniri ēnēnyi akū yisi izeyiza. Ume ọnoza orine varema, dona vivi titeni, do wuse ka Ijesu Christi ananyiyi, ọvinayi ani vara ni, dosha abayani dowu ni ka a ananyi Jesu Christi ovi enedoha anini, Ananyi yi vashenguoni Zuọ dore si ayiohine oniri engwu ọro tini ayioza anadowu.

Whuri 1937 mi hure maninyi oije ni, huru mavọ meyi navọ ọira vabe ahavoyi hiozirenu beri ananyiyi.

Madipe Iyui ka wasi engwu yio anika ebodoha awu ọniri ananyiwu INIOYANI, weyi vidi mani mavọ. —Watson Goodman (1920-2002)

Ama Ohomorihi ọ̀nì ọ̀ọ̀ sì zù yì
ka ọ̀nì ọ̀ọ̀ sì ịrẹ̀yị ayị pataki. Ẹ̀yị
mẹ̀ yì daka vị ọ̀nìvị, d'Ikristi ve sú
yì ẹ̀yị nì. —Aniroomu 5:8

O sì vọ ka ụhụọọ aa rị Eche
Oyiparahu nì. Ijeesu ọ̀ọ̀ yẹ ka ume
o sì tù ọ̀n'ọ̀nì aa sịi hụnị ẹ̀hẹ,
d'ọ̀nì ọ̀ nọ ịda Ada anị. Oō sì ịrẹ̀yị
aza anị ene hi ịnị ẹ̀hẹ. Booro aani,
o sì tù ka ọ̀ sì zù wa iz'o sì ịrẹ̀yị
enini na za. —Ijọọnu 13:1

Ayị nyị ịrẹ̀yị ọ̀za oyisì ene huna
ọ̀sonì ka ọ̀za ọ̀ sú aguvị ọ̀ta anị.
—Ijọọnu 15:13

Ijeesu Kristi an'a zù sì ayị tura,
ọ̀ rẹ̀ mẹ̀ oyiza wụ nini! Ọ̀nì ọ̀ vị
ọ̀nìpaapa ana ha huuni isu nì, ọ̀nì ọ̀
rẹ̀ vị ohiresu ohinoyị anẹhẹ nì.

Óo sì ịrẹ̀yị ayị. Ini oze anya on'o
che sé ẹ̀tẹ̀ o mè sú, ọ̀ọ̀ nyina ịvị ayị
kuooze. —Ete 1:5

Ohomorihi ọ̀ọ̀ vavọọ sì ịrẹ̀yị
anẹhẹ pooro, nẹ̀ tù ka ọ̀ọ̀ sì Ozi anị
ikonya gene-gene yì anẹhẹ; ka ọ̀za
tura ọ̀za ana àa sì ayị turaa, as'o
kuku vuẹtẹ̀, ama d'ọ̀ zù yàra ịda
Ohomorihi pooro zina-zina.

—Ijọọnu 3:16

Oza ene ẹ̀yị sì ịrẹ̀yị ọ̀za, oyị yẹ
Ohomorihi, aguvika Ohomorihi vị
eneē sì ịrẹ̀yị ọ̀za. Aani Ohomorihi
mẹmẹ̀ sì zù yì gedebbee ka ọ̀nì
ọ̀ọ̀ sì ịrẹ̀yị ayị nì: Ọ̀ọ̀ tù Ozi anị
ikonya gene-gene vẹ ẹ̀hẹ, aguvị dì
ya nyengụ yàra ini oze anị.

—1 Ijọọnu 4:8, 9

Avaba aza ẹẹ dọ ka aheke ayi ọnoni, ọ ka hiin, iruvo ani ọọ nyine eteetere: Ikristi ọọ si engu ani zù anka oza r'eyi iresu. Uhue Onini ọọ si zù ka ọnizeyiza ọ vi ni, anggeeri-nini e re ree. Aa ka ireyi ani yi anehe, anehe ẹẹ si ayi tura, d'a sioo no ebeeba ini igirima ni.

—1 Itimoti 3:16

Hure umorumo, d'a va ye ka aa me ehe, Ireyi Ohomorihi hure ya izoo ni. Ireyi onoo vi ana ya ida Ohomorihi, Ireyi onoo gede-gede vi Ohomorihi. Ireyi onoo ọọ vara oza r'eyi iresu, d'ọ ra ini akakana ayi yi ume chee ni. . . . Ọọ nyi ay-amva enemehi, d'ọ re vi ọnizeyiza ni.

—Ijoonu 1:1, 14

Avaba eseni vi ana me, aguvi isa an'Ananyi-yi zi oze ini uvo onise ka, o zu se ka: “Re, ozuoorihi onya ene eeyi ye onoru vee ziee, d'ọ ma ozi onoru onya. A vaa hi ireha ani Imanueeri on'iruvo ani vi ‘Ohomorihi ya beri eyi.’ ”

—Imatiyu 1:22, 23

“Emiri Ada ami vi onya.”

—Ijoonu 10:30

D'Ijesu kaa yo ka: “Ehu oni mi hure ya pe wu nini aani, weyi ye mij, Ihuripi? Oza ene ee re mi, ọ re si Ada ami re. Seve du u kuku re ka ma si Ada ami zù wu? Aanika weyi dọ wu ka emiri Ada ami vi onya, ka emirioo vi ana va-be?”

—Ijoonu 14:9,10a

Ọza ana àa sì irenu dọ ka Ijeesu
 ọzi Ozi Ohomorihi, ọniri Ohomorihi
 ọ sì ọni ọnya; Ohomorihi ọniri ọza
 ọnoo ọ sì va-bẹ. —1 Ijọonu 4:15

D'anggeeri ọnoo kàa yọ ka:
 “Uhẹ Ọnini vaa vaa kú wu,
 d'ukata Ohomorihi vaa kú wu,
 aguvavọo ozi ọnu ọ vaa ma avọo,
 ọnini a vaa híọo ni, Ozi Ohomorihi
 a rẹ vaa híọo ni.” —Iruuku 1:35

D'e nowu zẹte, d'e ka: “Se jì gẹ
 eyiri ewu, ewu Ijeesu Ozi Ohomo-
 rihi? Ọ wáa ve izenì ka wa va sì
 uya rì yì, d'ume ò ve tù ni?”
 —Imatiyu 8:29

Àa vi emii yọ, Ada ami ọ nyi mi,
 d'ọ tù mi ve ehe ni. Maa va kàa ka
 Ozi Ohomorihi mi vi ni, dù ọ ka m

maa kà ireyi odivii hi Ohomorihi
 nini nii? Mèyi mẹ ukoro an'Ada
 ami ka ma mẹ, asu ọ dọ mi wu
 nini! —Ijọonu 10:36, 37

Ọ maa yi kà ireyi, re, d'eguhi
 ọnya aani an'aa zete, wuse dà va
 kú wa ni. Re, d'ongue ọnya huuni
 eguhi ọnoo ve ka: “Ozi emi oni mi
 sì ireyi ani yi, inẹ ami oo hine tùọọ
 eteetere, waa wu ireyi ani nini!”
 —Imatiyu 17:5

D'Ijeesu kàa yọ ka: “Wée vidi
 sioo re da (the Son of God); ọni ọ
 raa kà ireyii wu aani ni.”
 —Ijọonu 9:37

Ini Ikristi an'a ma anka ọza,
 Ohomorihi ọniri avaba is'ọ vi yà
 ni. —Anikorose 2:9

D'Ijesu kàa yi wa ka: “Inì ehe ononi u hure ve ninì nì, emì vi ana hure ebeeba ve, ayì vi ehe ononi emì hure ve.” D'Ijesu kàa yi wa ka: “Izeyiza m maa kàa wu nì, d'a va ye ka aa ma Abrahamu, mì hure yà izoo nì.” —Ijoonu 8:23, 58

D'onee onoo ka: “Maa ye ka Imesaya an'aā hì Ikristi vaa ve ehe. Oo ve o vaa kà avaba isaa zù yi.” D'Ijesu ka: “Emì en'ee pe wuu kà ireyi aani, ema vi Ikristi onoo nì.” —Ijoonu 4:25, 26

D'Ijesu ka: “Ema vi isa oyiri anaā me ka oza o yàra booro nì. Oza ana àa ká mì ve, unguẹ o mā vana kùoo paa. Oza ana àa sì ayi

tura mì, enyi o mā re vana kùoo paa.” —Ijoonu 6:35

M mè yi yà inì ehe aani, ema vi etohueyi yi anehe nì.” —Ijoonu 9:5

D'Ijesu va kàa yi wa ka: “Izeyiza m maa kàa wu nì, emì ononi o vi oze irehi ateme nì.” —Ijoonu 10:7

D'Ijesu kàa yo ka: “Emì ononi oo ha ozaa huuni isu, dì mì re me kà oza o yàra nì. Oza ana àa sì ayi tura mì, oo daka sú, o vi vaa yàra pooro zina-zina.” —Ijoonu 11:25

Uū hì mì oga oniri Ananyi-yi ninì; waa kàa etere ninì, aguvika isi mì vi o vi onoo nì.” —Ijoonu 13:13

D'o ka aza enee e yaaite ini avi ohuuhu ni. D'o si akara eehi beri ivovo eeva enee, d'o si eyi tu eba, d'o ku Ohomorihi avo tuo ni. D'o da akara enee yi ezirema ani, d'ezirema ani si yi aza enee ni. D'avaba enini ri, d'ine ha wa ni. D'e ku ana vo, d'o vi ohihi uji ewureva ni. Onoru ana ri isa vi akahi-akahi oze eehi (5,000). Oza oyi za anyenee oniri eziweyi tuo.

—Imatiyu 14:19-21

Ij'o si ireyi ani ka ta, d'o kaa yi Isimoni ka: "Si epa awu no iz'e nyine avo, du we ne oha awu ngu enyi, du wa ku ivovo nini!" D'Isimoni ka: "Nda, hure irahu i hure aa me akanya, d'ayi nyi isi

i za no! Ama anka u me kaa, jee me ne oha ami ngu enyi." D'e ne oha enini ngu enyi ni, d'e hara ivovo tawu-tawu, d'oha enini aa vaa na ni.

—Iruuku 5:4-6

Ogueyi eeva enyi aani ana yaaite utu oze, ee wu ka Ijesu aa paraa hu. D'e nyima ee nowu ka: "Ananyi-yi, ewu ozi Idevidi, va ayi ayi de!" D'Ijesu jee, ... "Su wee si ka ma me yi wu nini?" D'ogueyi enee kaa yo ka: "Ananyiyi, i ka ye re ete no." Ijesu o va ayi enini, d'o si uvu kanyi eyi enini ni. Obooboro onoo, d'eyee re ete ni. D'enini kuku saasaa ni.

—Imatiyu 20:30, 32-34

Ini oze anị Ohomorihi zị mę avaba ịsa ene hi ẹhe ọniri ẹbẹba nị, ọn'ọ vi ka isi yee re ọniri isi yeyi zu re, ẹhuu anggeeri-nini ana nyi ukata ọniri oda irenyi-renyi. Ini oze anị Ohomorihi zị mę avaba ịsa nị, ọnị ọ rẹ mę wa yi nị.

—Anikorose 1:16

Ini oze Ireyi ọnọ Ohomorihi zị mę avaba ịsa nị. Ini avaba ịsa on'Ohomorihi tú saka-saka, ayi nyi ikonya ẹne ẹyi vi ini oze Ireyi ọnọ ọ yà túọọ.

—Ijoonu 1:3

Ohomorihi . . . ama ini ume ọnọ nị ana vi ume ọdirema aani, ini oze ini ụvọ Ozi anị ọ zị kà ireyii yi nị. Ohomorihi ọ siọọ nyi ka ọnị ọ si

avaba ịsa yọ. Oze ini ụvọ Ozi anị ọnọ ọ rẹ zị mę avaba ẹhe nị.

—Aniheberu 1:2

“Aguvavọ avaba ẹwu nini Anisreri, ye nini izeyiza ka Ijesu ọnọ ọnu ụ kanyi za ọchi nini, ọnị Ohomorihi mę Ananyi-yi ọniri Odozaha nị!” —Apositeri 2:36

Ikristi ọo sú, d'ọ rẹ ha kụete huuni isu nị, aguvị avaba aza ẹ zuu hịọ Ananyi-yi, ẹe vi anehe, ẹe vi aneku.

—Aniroomu 14:9

A zụ si ayi tura Ohomorihi. Ọnị ọ hí wu nini ka ẹwuri Ozi anị Ijesu Kristi Ananyi-yi ọ va-be nị.

—1 Anikorinti 1:9

Se va ve, du waa ji ivii yi ọnọhva awu? Seve du waa si eyii wu ọnọhva awu? Avaba ayi o va naa jee ọvidi Ohomorihi, d'aa me okareyi ayi ni. —Aniroomu 14:10

Waa ye ka ekuhi onya Ijesu Kristi vaa vaa-ve, d'o me ka aza e ye ka oni aa me ijova ni. Oni o re vaa me okareyi aza ene su oniri aza ana yara ni. Maa si Ijesu onoo oniri Ohomorihi hu wu uvo. —2 Itimoti 4:1

“Ihi Ozi oza onigirima oo ve ini igirima ani beri avaba anggeeri onini-nini, o vaa yaaite isesu ode igirima ani. D'avaba anehe wara gu ida ani, d'o ga wa hi eeva, anka oserateme mee toọ ateme oniri

evuu hi aha irenyi-renyi avoo.”

—Imatiyu 25:31,32

“Ada ami oni uvota o ma me okareyi yi aza. O raà si okareyi chire emi Ozi ani uvo ka maa mee.” —Ijoonu 5:22

Anka enube oyiza oni maa ka, ihi Ohomorihi aaa zi oze ini uvo Ijesu Kristi me okareyi, isa an'aza tangwa ee ro ini ayi enini, v'o vaa ya anka ireyi oni mi ka aani ni. —Aniroomu 2:16

D'o me odaa yi ka ya ka enube oyiza yi aza, di ya kaa yi wa ka oni Ohomorihi nyi ka o vi omokareyi aza ana yara oniri aza ene su ni. —Apositeri 10:42

Emi ononi o vi oze obooro ni. Oza ana aa zi oze obooro onono ngu eehi, o vaa ha. O vaa ngu eehi, d'aa jine, d'ee re isa ana vaa si engu anii hunene.” —Ijoonu 10:9

D'Ijesu tuoo ohi, d'o ka: “Ema vi oze onono ni, ema vi izeyiza ni, ema ree unue. Ayi nyi oza ana nyengu no ida Ada ami, ayi vi oze ami o zi.” —Ijoonu 14:6

“Aguvavoo, mi kaa wu nini ka u vee suu tu ini ivi awu nini. Weyi do mi wu nini ka ‘Ema vi Emi’ ni, vu u vee suu tu ini ivi awu nini ni.” —Ijoonu 8:24

Ij'Ohomorihi si eto ani me ta ini engu ani, d'o kuku vi oze an'aza

ana wu ireyi ani aa zi ha pooro zina-zina. —Aniheberu 5:9

Ama Ohomorihi oo va ayi aza, d'o ji ihi yi aza oohere kene ni. Ini oze Ijesu Kristi ana hi aza varema o vavoo si mee ni.

—Aniroomu 3:24

Oza ana aa zi oze ini uvo ani ve ida Ohomorihi, o zu do wa ha ini ume tura ume, aguvika oo yara pooro zina-zina ka oni oo da ipee yi Ohomorihi aguvi enini.

—Aniheberu 7:25

Ayi nyi oza enesa ana zu do oza ha. Ayi nyi oza enesa iruvo ihineba ononi on'Ohomorihi si ireha ani yi aza ka oo do waa ha.”

—Apositeri 4:12

Ohomorihi ɔ raà sɪ wu nini ka ewuri Ijesu Kristi ɔ va vi ɔnya nini. Ohomorihi ɔ re raà me ka Ikristi ɔ vi ireyoye ayi. Ikristi ɔ ji ihii yi ɔvidi Ohomorihi ni, ɔ si yi vara aza ɔnini Ohomorihi, ɔ re si yi hi varema huuni avaba isa edivi.

—1 Anikorinti 1:30

Ijesu ɔnoo ɔ vidi si engu anii yi, aguvi d'ò zu hi yi varema ni, aguvi di ya zu há huuni avaba isa edivi. D'ò me ayi ayi ɔnini, di i kuku si vi aza ani an'aa sii vuri ka yaa me isa ene zozá ni. —Itiitu 2:14

Du waa kú Ohomorihi Ada ayi avo nini. Oni ɔ me wu nini voro ka wa zu nyi tú ini eyiza on'ò si te yi aza ani ida ani iz'etohueyi yà ni.

Ohomorihi ɔo do yi huuni ukata irahu, ɔ raà si yi va ngu iz' Ozi ani on'ò si ireyi ani yà aa me ijova. Ozi ani ɔnoo ɔ hi yi varema, d'ò re va-gu yi ini ivi ayi ni.

—Anikorose 1:12-14

Aguvika emi Ozi oza onigirima vi ana ve ka me si aza ene vú, di ma do wa há.”

—Iruuku 19:10

D'e ji ahe ɔwoowa d'e ka: “Ewa huoo si iwe ɔnoo ni, du wa hú isa an'a si vaa, aguvika áa vidi wu wu. A me wu wu, wa raà si anya awu hi aza varema va yi Ohomorihi, avaba anekura, aza an'aa kà ekura irenyi-renyi avaba ehe.”

—Ete ore 5:9

Aguvì anya on'o che sé ete o mè sú, Óhomorihi sì jì ihìjì yì booro aani nì. Yáa yè ka o hiaku vaa dọ yìjì háa hùunì oyìkù anì inì èkùhì odìrèma. —Aniroomu 5:9

Ozi anì onọọ óo che anya anì sé ete d'o sú yì nì. Ini oze avọọ o zì hì yì varema, d'Ohomorihi rẹ va-gu yì inì ivì ayì nì. Aguvì ayamva Ohomorihi ana hì ka ọọ banyì pataki, o vavọọ sì yà nì.

—Anehueesu 1:7

Anya uye enẹẹ èẹ zù mẹ ka aza è nì, onọọ ọọ sì zù ka anya Ikristi ọọ nyì ukata hu avọọ eteetere. Engu anì uvọta enẹ èyì nyì ivì o sì mẹ isovọọ yì nì ini oze Uhue Onìni ana

yàra pooro zina-zina. Aguvavọọ ọọ nyina ayì ayì nì, ka asì i kùkù na mẹ ivì, anaā sì ọza nee sù; ama dì ya kùkù hẹkẹ Ohomorihi ana yàra. —Aniheberu 9:14

“Ọsonì o vì anya amì nì on'Ohomorihi sì sì uvọ tú inì iẖeze ọwọ-wa, oni mì vee chee sé ete yì aza orurù, d'à sì sì ivì enìni va-gu wa.”

—Imatiyu 26:28

Ama aza ana aaā zì use ini etohueyi anka Óhomorihi onì mè rẹ yà ini etohueyi, on'o vì ka aza enẹẹ èẹ nyì evabe beri engu. Anya Ijesu Kristi Ozi anì aa nyina yì; yaa nìjì hùunì avaba ivì.

—1 Ijọọnu 1:7

V'Ohomorihi vá ayi awu nini kẹnẹ, d'ọ dọ wu nini há, ọ mẹ si ayi tura nini ni. Ayi vi aguvu isu ọ mẹ nini, v'Ohomorihi si yi wu nini ọọhẹ kẹnẹ ni. Ayi rẹ vi aguvika ọzọnyi-ọzọnyi ọọ da mẹ chẹgu, Ohomorihi si dọọ há. Aguvavọọ ayi nyi is'ọza zụ si wo oto ini ani.

—Anehueesu 2:8, 9

Ohomorihi mẹ raà ji ihii yi, aguvika yaa si ayi tura aani, ya si enguọọro nyi beri Ohomorihi ini oze Ijesu Kristi Ananyi-yi.

—Aniroomu 5:1

... “Si ayi tura Ijesu Ananyi-yi, ka ọ vaa dọ wu há beri aneehi awu!”

—Apositeri 16:31

Aguvika avaba ozi Ohomorihi ọ zụ nyi ehuna isa edivi ini ehe ọnoni. Edowu oni i nyi ini Ijesu, i si nyi ehuna isa edivi ini ehe ni.

—1 Ijoonu 5:4

D'enini va hoo use ka: “S'a voro ka ya mẹ, di ya zụ mẹ isa on'Ohomorihi si?” D'Ijesu kaa yi wa ka: “Isa on'Ohomorihi ee si ka wa mẹ nini, yi: Si ayi tura ọza on'ọ tú ve ehe nini!”

—Ijoonu 6:28, 29

Eseni vi an'a chere, aguvu du wa dọ wu nini ka Ijesu ọ vi Ikristi Ozi Ohomorihi ni; oniri ka waa si ayi tura nini, d'ò zụ mẹ ka wa nyengu yara ida Ohomorihi pooro zina-zina nini.

—Ijoonu 20:31

Óọ dọ yì há. Ayì vî aguvîka eyi uvota óọ mē isa ana voro, o sî dọ yì há, ama aguvî ayamva anî kẹnẹ yọ nî. Óọ vavọọ mē inî ka óọ nyina yì, d'ọ vara yì oza owoowa nî. Uhue Oninî anî o vavọọ sî vara yì aza owoowa nî. —Itiitu 3:5

Aguvavọọ, à vẹ ya nyi otuturuma, di ye tere vẹ ovidi aga ohinoyi iz'Ohomorihi yà d'aa mē oyizaa yì aza! Izọọ Ohomorihi vaa vá ayi ayi, d'ọ rẹ gu yì uvo inî ume oni yèe sii sî oguvọ anî.

—Aniheberu 4:16

À vẹ ya sî uga yì Ohomorihi ana vî Ada Ijesu Kristi Ananyi-yi! Ohomorihi óọ vá ayi ayi eteetere,

d'ọ tenyi yi ma nî. Aguvavọọ yaa nyi oyitureyi ka i vaa yàra ida anî pooro zina-zina, aguvîka Ijesu Kristi óọ ha kuetete huuni isu.

—1 Ipita 1:3

Aguvavọọ, à vẹ ya nyi otuturuma, di ye tere vẹ ovidi aga ohinoyi iz'Ohomorihi yà d'aa mē oyizaa yì aza! Izọọ Ohomorihi vaa vá ayi ayi, d'ọ rẹ gu yì uvo inî ume oni yèe sii sî oguvọ anî.

—Aniheberu 4:16

À vẹ yaa kú Ohomorihi avọ, ana vî Ada Ijesu Kristi Ananyi-yi. Oni o vî Ada anaá vá ayi oza nî. Oni o rẹ vî Ohomorihi enee hunene oza ayi nî.

—2 Anikorinti 1:3

Ekūhì ọdịrẹma eche ọnọọ, o hu keekere nì. Ihì ọnọọ, d'Ijeesu kùẹtẹ jẹẹ, d'o nowu d'ọ ka: "Ọza en'enyi àaa kù, ọọ ká mii vẹ, d'ò ve hú enyi obooro!" —Ijoone 7:37

Ijeesu mè re wa, ayi ọ sì kúọọ D'ọ ka: "Navọ eziweyi-nini è vẹ ida ami! Asu ụ dọ wa oro!, aguvì-ka ẹngu ẹneni ẹ nyi iz'Ohomorihi yà aa mẹ ijova nì." —Imaaki 10:14

"Ká mị vẹ nini, ẹwụ nini an'ayi anì sì va-zi, d'e reè kune ẹnya ọra-ta tura wu nini, ka mị vaa sì uhụ-otuu yi wu nini!" —Imatiyu 11:28

Eya vi odeyi Ikristi tú izeni nì. V'ọ sì mẹẹ ka Ohomorihi oni uvota aa zi oze ini uvọ ayii dá ipee wu nini aani nì: "Yaa sì Ikristii dá

ipeẹ wu nini ka wa navọ Ohomorihi ọ vara wu nini ọta anì!"

—2 Anikorinti 5:20

Uhue Onini oniri ose Ozi Ateme ọnọọ ka: "Wa vẹ!" Ọza ana àa wu ireyi ẹneni, ọ kàa ka: "Wa vẹ!" Ọza en'enyi àaa kù, ọ vẹ! Ọza ene èè sì, ọ va dọ enyi anaā mẹ ka ọza ọ yàra pooro zina-zina, d'ò húọọ ọọhẹ!

—Ete ore 22:17

Ohomorihi ọ dọ yi há, d'ọ hí yi ka yaa mẹ ebira onini nì. Ayi vi aguvì isi i mẹ ọ vavọọ sì mẹ; ama aguvì ayamva anì kẹnẹ oniri aguvì eto on'ọ vidi sì mẹ tite yọ nì. Ini oze Ikristi ọ vavọọ sì và ayi ayi hure umorumọ d'a va yẹ ka aa mẹ ehe nì.

—2 Itimoti 1:9

Avaba aza ana àa zẹẹ ka Ụhụẹ
 Ọnịnị ọọ sị ozee zù ẹnị, ẹnị ẹ vi ezi
 Ohomorihi nị. Ụhụẹ Ọnịnị on'Ohomorihi
 sị wụ nịnị ọyị za wụ nịnị
 ọrịhị, ana zù mẹ ka we kukuu hí
 angua nịnị. Ama Ụhụẹ Ọnịnị ọnoọ
 vi ana sị wụ nịnị mẹ ezi Ohomorihi.
 Ụhụẹ Ọnịnị ọnoọ ọọ sị ukata
 yị ka ye zuu nowuu hí Ohomorihi
 ka: “Ada ami!” —Aniroomu 8:14, 15

Wa vavọọ mẹ, aguvị asụ ụ na
 nyị ohuvọ, dụ wa zù nị! Ọnoọ ọ
 vaa mẹ ka wa zù vi ezi Ohomorihi
 ẹnẹ ẹyị nyị isa odivi nị. Ụ mẹ yà ini
 akakana anẹhẹ edivi an'ayi ẹnini
 ẹyị vọrọ aani, áa vọrọ ka wa vi

etohueyi yi wa tú ini ẹhẹ nini.

—Anihuripi 2:15

Aguvavọọ d'Ananyi-yi re kaa
 ka: “Jine huu ida ẹnini, si engu
 awọ tú irenyi kuooze yi wa! Asu ụ
 si uvọ kanyi isa eneē du ọza engu
 nini! Ijonoọ mi vaa do wu nini pe
 engu. Mi vaa vi Ada awu nini,
 d'ewu nini re vi ezi anorọ oniri ezi
 anee ami.” Avọọ Ananyi-yi ana
 nyi avaba ukata mē kà nị.

—2 Anikorinti 6:17, 18

Ama ọza tura ọza ana àa dọọ,
 d'ẹ sị ayi turaa nị, ẹnị ọọ sị ọdaa
 yi ka ẹ vara ezi Ohomorihi nị.

—Ijoonu 1:12

Isa anaā hụnị ariro ọza vẹ, ẹyị tẹ, ẹnị yị: ẹnị ẹẹ mẹ ka aza ẹẹ sẹ irẹka d'eyaa mẹ unọ, d'ẹ rẹ yaa mẹ ebira idoti, d'eyaa mẹ ebira kẹnẹ-kẹnẹ; d'eyaa hẹkẹ ori, d'ẹ rẹ yaa mẹ ẹbẹ, d'eyaa kú ayị ọza, d'eyaa ziaazi, d'eyaa mẹ eyohure, d'eyaa kú ayị, d'ẹ rẹ yaa há ọhọha, d'ẹ si ẹngu ẹnini jị irinya, d'eyaa há azaa hi, d'eyaa kù uhị, d'eyee hú eche d'aa meri wa; d'ẹ rẹ yaa rị eche pooro kẹnẹ; d'ẹ rẹ yaa mẹ ẹngu isa ẹnẹ ana vọ. Maa kàa wụ nini booro aani, anka m mẹ rẹ vidị kàa wụ nini, ka aza ana àa mẹ ẹngu isa ẹnẹ, ẹyị va ngu iz'Ohomorihi yà aa mẹ ijova. —Anigaratiya 5:19-21

À vẹ yaa zị ụsẹ ana voro tura aza ẹnẹ ẹyị zị ụsẹ irahu! Asị i rẹ kuku do oda eche ọyiri pooro kẹnẹ! Asị i rẹ hú eche, d'ọọ meri yị; asị i rẹ mẹ ebira idoti irenyi-renyi, àa vi ebira kẹnẹ-kẹnẹ! Asị i rẹ ziaazi; asị i rẹ rẹ kù uhị! Ama si ebira Ijesu Kristi Ananyi-yi mẹ awuru chire nini, as'a hị ka ebira odivi ọn'ochengụ awụ nini si kẹnẹ, ụ waa mẹ nini nị!

—Aniroomu 13:13, 14

Ọzobanyi ọ vaa vi ini eyi Ananyi-yi nị. Ọyi va nyi ayineẹ hú eche, ọọ vi eche ọkatẹngụ. Inị inẹ ọnyi anị Uhue Onini vaa do avaba ayi anii huree vẹ nị. —Iruuku 1:15

D'Ijesu túọọ ohi, d'ọ ka: “Sì avaba ayi awu sì ireyi Ohomorihi Ananyi-yi beri avaba ivehu awu, oniri avaba ireyoye awu! Oda ene hu keekere ini oda yi.”

—Imatiyu 22:37, 38

... “Nda oyiza, s'a vọọ ka ma me, di ma nyengu yàra pooro zina zina ida Ohomorihi?” Ijesu ọọ kàa yọ ka: “Seve du waa hí mị Nda oyiza? Ayi nyi oza oyiza ikon-ya vuru-vuru, àyi vi Ohomorihi oninya kene. Waa ye oda on'Ohomorihi me ka: Asu u wu oza! Asu u se ireka! Asu u yi oyi! Asu u do ivenu ireche! Asu u me oza ri! Si ubanyi yi ada awu oniri onyi awu! D'onoru onọọ ka: “Nda, m me hu-

re vi ozueyi, mi hure si uvo za avaba oda eneni geri-geri no!” Ijesu oo re onoru onọọ pooro, oo si ireyi ani, d'ọ kàa yọ ka: “O si vọ isa on-ya chọchọchọ an'a vọọ ka wa me: Na, ná avaba ogu onu u nyi, du u si ekehi ani me opisari-nini eyi-za, du wa nyengu nyi ogu tú ida Ohomorihi, du wa ve, du wa vaa du mii zizi! Ij'ọ maani wu, o si eyi vara ihi, d'ọ si ayi oyidu aa na, aguvika opisa obanyi ọ vi ni.

—Imaaki 10:17-22

Oza on'oniri Ozi Ohomorihi ọọ va-be, oni ọ vavọọ vaa yàra ni. Ama oza on'oniri Ozi Ohomorihi ọyi va-be, ọyi zu vavọọ yàra.

—1 Ijọonu 5:12

Asu u vene ɛngu awu nini!, ayi nyi oza ana zu me Ohomorihi ri. Isa tura isa on' oza oo chire, oni o re vaa ha ni. —Anigaratiya 6:7

Ewu nini ezi emi, asu u zee ka a nyi oza ene vene wu nini! Oza ana aa me izeyiza, onireyizeyiza o vi ni, anka Ikristi oni me re vi onireyizeyiza. Ama oza ana aa me ivi, ozi Echu o vi ni, aguvika Echu vi ana me ivi d'a va ye ka aa me ehe. —1 Ijoonu 3:7, 8a

Maa ye ka waa ye nini kaakara ka oza ene eyi nyi izeyiza, oyi vaa ngu iz'Ohomorihi ya aa me ijova. Asu u vene ɛngu awu nini, oo! Omuno-nini oniri aza an'aa heke

ori, beri oseroka-nini oniri onoru-nini ana no ida onoru oza anka onee avoo, beri oyi-nini oniri eneyohure beri ohueche ahaahara-nini oniri oduoziresu-nini beri aza ana si ukataa do aza isa, eyi vaa ngu iz'Ohomorihi ya aa me ijova. —1 Anikorinti 6:9, 10

Asu u zee ka oza o si ireyi kene-kene vene wu nini! Aguvi isa enee Ohomorihi va sii si uyaa ri aza ene eyi ma wu ireyi ani ni.

—Anehueesu 5:6

Aa nyi oza ene ro ka aa nyi is'oni vi, ini umu ana hi ka ayi nyi is'o vi, oza onoo ee vene ɛngu ani. —Anigaratiya 6:3

Oze ini uvo oza inya ivi zi ngu ini ehe ni, d'isu saasa ivi onoo ve ni. Hure ihu onoo avaba aza kuku ee su ni, aguvika avaba aza e si ivi me. —Aniroomu 5:12

Ariro odivi onoo oo me oza ka o me ivi ni. Ij'ozu oo si ivi me ta, d'a hi ka isu o zaa iresu ni. —Ijemisi 1:15

Oza ana aa si ayi tu ini isa on'ochengu ani si kene, isu aa zaa iresu ni. Ama oza ana aa si ayi tu ini isa on'Uhu Onini si, vaa yara booro, d'o re nyi enguoro. Oza ana aa si ayi tu ini isa on'ochengu ani oo si kene, onivi Ohomorihi aa vi ni. Iruvo o vi ka oyi vaa me isa on'Ohomorihi oo me oda anii yo;

oyi hiaku aa zuu mee bee.

—Aniroomu 8:6, 7

Se vi ogu onu u ri huuni isa onu u kuku vaa nyi uhi ani nini booro aani? Isu kene o vi odirema isa en-e ni. —Aniroomu 6:21

“ ‘Aa voro ka yaa ri eche, di yaa me inohine, aguvika oyinyara awu ononi oo su, o re si yara; oo vu, ya sioo hee.’ ” —Iruuku 15:32

“Ama ananguahi oniri aza ene eyi vi odowu, beri aza an'a a me isa enyisi, oniri owuza-nini beri osereka-nini beri enebe oniri aza ana heke ori, oniri avaba onireche-nini vaa nyi aha enini ini adagu ira an'a si ohuru tu; onoo o vi isu upe ohuva ni.” —Ete ore 21:8

Ama ini oze ka Ohomorihi ọọ haa huuni isu, ọnoọ ọọ si zù ka ida Ohomorihi ọ hure ve ni, ọniri ka Ozi Ohomorihi ọn'ọ si avaba ukata yi ọ vi ni. —Aniroomu 1:4

Ij'ọ vavọ si kà, d'o nowu tú eba ni, d'ọ ka: “Irasaru! Jine ve!” D'ọza ọnoọ ene vidi wusu jine ve, a me yi si ita sùọọ ahụ ọniri uvo ni. Eyi ani vi an'a re si ita para. D'Ijesu ka: “Nguaa nini, d'òọ na!” —Ijoonu 11:43, 44

D'Ijesu na, d'ọ si uvo kanyi odooro an'a si oku ọnoọ tú ni. D'aza ana zaa jee ni. D'Ijesu ka: “Ozi ọnooru, mi ka wa kụeete!”

D'ọza ene vidi sù isooni kụeete yaaite, d'aa kà ireyi ni.

—Iruuku 7:14, 15a

“Ada ami oo si ireyi ami, aguvika emi uvota o navo uhue ami tite ni, ka ma re varema siọọ. Ayi vi ọza aa do mi uhue, emi uvota o huree uvo ni. Maa nyi ukata oyinavo uhue ami tite, ma re nyi ukata oyisiọọ varema. Oda an'Ada ami me mi ọ vi ọnoọ ni.”

—Ijoonu 10:17, 18

Ọza ana yàra mi vi ni. Mée vidi sù, ama re, booro aanì mi kùkù yà-ra pooro zina-zina ni. Ema nyi oda isu ọniri ini eku ni.” —Ete ore 1:18

“Nda, ye re ọda ene hu kere-kere ini avaba ọda?” D'Ijeesu túọọ ohi, d'o ka: “Sì avaba ayi awu sì ireyi Ohomorihi Ananyi-yi beri avaba ivehu awu, ọniri avaba ireyoye awu! Ọda ene hu keekere ini ọda yi. Ọhwa vi ene re vénée: Sì ireyi ọnọhwa awu anka ẹngu awu! Avaba ọda Imose ọniri ireyi ọnise-ni vi ana jee iresu ọda ẹva eneni.”
—Imatiyu 22:36-40

D'Ijeesu túọọ ohi ka: “Ọda ene hu yi: . . . Ananyi-yi o vi Ohomorihi ayi ni. Ọninya o vi Ohomorihi ni. Sì avaba ayi awu sì ireyi Ohomorihi Ananyi-yi, beri avaba ivehu awu ọniri avaba ireyoye awu ne beri avaba ukata awu!” Ọhwa

yi: “Sì ireyi ọnọhwa awu anka ẹngu awu!” Ayi nyi ọda ọsa ene huna eseni.”
—Imaaki 12:29b-31

“Maa sì ọda ọwọwaa wu nini: wee sì ireyi ẹngu nini! M mè sì ireyi awu nini gẹde-gẹde, avọọ a mè voro ka wee sì ireyi ẹngu nini ni!”
—Ijoonu 13:34

Mée sì ireyi awu nini anka Áda ami oni mè re sì ireyi ami. Waa sì eyi pe ọda ami nini, weyi vee zuee huni ireyi awu nini oni mi sì. Avọọ émi mè re sì eyi pe ọda Ada ami, di mèyi zue huni ireyi ami on'o sì ni. . . . “Ọda oni mi wẹ wu nini, yi: Ka we sì ireyi ẹngu nini anka émi mè re sì ireyi ẹwu nini.”
—Ijoonu 15:9a-12

Aguvavọọ, asu u me okareyi yi ozonyi-ozonyi nini, ama jee tu ume an'Ananyi-yi vaa vaa-ve nini! Oni o vaa si avaba ukoro eweree ve ini eyigede ni, d'o re si isa an'aza si tu ini ayi tu ehe. Ihi onoo, Ohomorihi vaa ga ozoza, o me voro.

—1 Anikorinti 4:5

“Ohomorihi ana me ehe oniri avaba isa ene hi ini ani, oni o nyi ebeeba oniri ehe ni. O ma ra ini irehi an'aza da. Ayi nyi is'oyi nyi, aguvavọọ ayi nyi ka oza o na si uvọ ani me ukoro d'ò si isa va yọ. Oni o vana aa si uhuee yi aza oniri avaba isa ana vo ni. Huuni oze oza inya o zi me avaba anehe ni, d'o me ka e ra hi avaba ehe ni. D'o si

eto me tite ume an'aza va sii ra, oniri iz'e vaa ra nee tu ni. O vavọọ me, aguvi aza ee sioo, isavọọ e zu ree. Ayi vi ka v'Ohomorihi noze riri ozinya-ozinya ayi ni. Ini oze ani, i ya nyi uhue, di yaa zii, di i yara ni. Ojahe awu nini onya oo hiaku kaa ka: 'Ezi ani eyi re vi ni.' ”

—Apositeri 17:24-28

Ayi nyi is'e zu te yi Ohomorihi. Avaba isa vi ana maani ya ini ahuaahu chapaa ini eyi Ohomorihi oni i vaa jee ovidi ani di ya ka enube.

—Aniheberu 4:13

Aguvika ayi nyi isa ana te, ene eyi vaa tu ehe; ayi nyi is'e te, on'ozà oyi vaa ye, d'oyi re vaa ve ini ibamba.

—Iruuku 8:17

22 Uyoori enenyi ọizete poro yiọza Enẹyē Ohomorihi

Uya ẹn'ẹ vaa ri ọ vi ka ẹnini vee
vuẹte pooro zina-zina, d'eyi re eyi
Ananyi-yi ọniri igirima ani beri
ukata ani paa. —2 Anitesaronika 1:9

“Aguvavọ, aa vi uvọ awu, à vi
ahụ awu ọ mē ka wa mē ivi ni, ji
wa ne ta! Ọọ dahi ka wa vi ọjavu
du wa yàra pooro, hu ka wa nyi
uvọ eyiva, aa vi ahụ eyiva, ama
d'è ne wu ngu ini ira ene eyi mē mi
pooro.” —Imatiyu 18:8

D'aa kú aza ẹnẹ ne hi ini uyori
ẹnẹ eyi mā ta pooro zina-zina, ama
d'ọnirẹyizẹyiza-nini ẹni aa nọ ini
ẹhe ẹnẹ eyi mā ta pooro zina-zina.”
—Imatiyu 25:46

Ọza tura ọza ọn'ọza ọyi re ka áa
chẹre ireha ani tú ini iwe aza ana

yàra pooro zina-zina, d'a siọọ, d'ee
nee ngu ini idagu ira ọnọọ.

—Ete ore 20:15

“Emi Ozi ọza vaa tú anggeeri
ami-nini jine, d'ẹ toọ avaba isa
anaa mē ka ọza ọ mē ivii huunị aza
on'Ohomorihi aa mē ijovaa tura,
ọniri avaba aza ana vọ anaa mē isa
edivi. D'ẹ kú wa na và hi ini ira
ọbanyi. D'ẹ yà izọọ, d'eyaa ji orere,
d'ẹ rẹ yaa ri anyi.”

—Imatiyu 13:41, 42

Ebeeba ọniri ẹhe ana yà booro
aani, ireyi Ohomorihi o re si tenyi-
ọọ titẹ ka ọni ọ va si ira vúọọ
ete ni. Ọọ tenyiọọ titẹ ne tú ẹkuhi
ọn'ọ vaa mē ọkareyi yi aza edivi,
d'ò vú wa ete.

—2 Ipita 3:7

Ohomorihi ọọ nyị ẹkụhị ọnya ọn'ọ va sị sị izeyizaa mẹ okareyi avaba anehe. Ọ vavọọ vaa mẹ ini oze ọza ọn'ọ sị nyị. Ọ raà sị zù avaba aza ka izeyiza yọ, ọ mẹ ha ọza ọnọọ huuni isu.” —Apositeri 17:31

Isa eneni ẹẹ sị zù yi ka Ohomorihi ọọ yẹ, ọ memee dọ aza anii há huuni ezamare enini. Ọ rẹ yẹ, ọ memee tenyi aza edivii tite, pooro ne tù ẹkụhị okareyi, d'ò sị uya rị wa. —2 Ipita 2:9

Aani óyisì Ohomorihi memẹ vaa guu tú ini ayi ayi ni, ọn'ọ vi ka ini ẹkụhị okareyi, i vaa nyi ayonete, aguvika ebira ayi ini ehe oo véné Ijeesu Kristi. —1 Ijọonu 4:17

A si eto ani mẹ ka ọza vi ene vee sú upẹ ọnya gene-gene. Ọo wusu, d'Ohomorihi mẹ okareyii yọ.

—Aniheberu 9:27

D'a hi ka isa an'a chere tú ini iwe ọnọọ, aa sị mẹ okareyi okunini ni anka isa ọn'ozoza mẹ.

—Ete ore 20:12b

Aguvika ayi zu nyi ka avaba ayi oyì vaa nọ ovidi Ikristi, d'ò mẹ okareyii yi. Ozoza vaa dọ ogu isa ọn'ọ mẹ, ọ mẹ yà ini ehe ọnoni; ọọ vi oyiza, ọọ vi odivi.

—2 Anikorinti 5:10

Aguvavọọ, avaba ayi vaa kà enube engu ayi ovidi Ohomorihi.

—Aniroomu 14:12

Ama oze on'Ohomorihi zii si isaa yi oza oohē, oyi véné oze an'Adamu zi me ivi Izeyiza, aza oruru-oruru ee sú aguvī ivi on'oza inya onoo me. Ama ayamba Ohomorihi oni oo huna avoo eteetere. Ini oze ayamva Oza inya ana vi Ijesu Kristi, Ohomorihi oo si eyiza ani yi aza oruru-oruru eteetere oohē kenē.—Aniroomu 5:15

Aguvavoo ayi vi ireyi is'oza si, aa vi ka is'oza me o vi, ireyi ayamva Ohomorihi kenē o vi ni.

—Aniroomu 9:16

Waa ye nini, Ijesu Kristi Ananyi-yi memē vá ayi oza ne tū. Ozobanyi o vi ni, ama oo hu uvi awu nini vara onosiye, ka ewu nini

ò zū vara ozobanyi ini oze osiye ani.
—2 Anikorinti 8:9

Ama iz'ivi oo ya aa banyi, izoo ayamva Ohomorihi banyii tūu hu ni. Yee re ka isuooza oo si zū, ivi memē nyi ukata. Avoo gedē-gedē ihī on'Ohomorihi jii yi oza oni me re si zū, ayamva Ohomorihi oni me re nyi ukata ni. D'o re me ka aza ē yāra ida ani pooro zina-zina aguvī Ijesu Kristi Ananyi-yi.

—Aniroomu 5:20b, 21

Apositeri-nini aa si ukataa do ivenu ka Ijesu Kristi o si ha huuni isu. D'Ohomorihi aa me oyizaa yi avaba enini ni.

—Apositeri 4:33

Umẹ an'aza ẹyi si ye isa ẹnẹni, Ohomorihi o raà si eyi jine. Ama booro aani, o raà me oda ka avaba aza avaba aha e ro ine varema.”

—Apositeri 17:30

“Jee ma kaa wu nini ka eyi vi avoo. Ama ayi vi ewu nini ro ine varema, avoo ewu nini me re vee vuete ni.”

—Iruuku 13:3

D'Ipita kaa yi wa ka: “Ro ine varema huni ivi awu nini!, d'a me ibantisi yi ozinya-ozinya awu nini ini ireha Ijesu Kristi, d'Ohomorihi o va-gu wu ini ivi awu nini, d'o re si Uhue Onini me wu nini eyiza. Aguvavoo ro ine varema, du wa va ka Ohomorihi ve nini,

aguvì ò du ivì awu nini kuooze!”

—Apositeri 2:38; 3:19

“Di ma kaa wu nini ka avoo gedegede iraje oyije me ya ebeeba aguvì onivì ikonya ene ro ine varema hu aza o ji onya ha ini echehi ana vi onizeyiza, ene eyi nyi ka e ro ine varema ni.”

—Iruuku 15:7

Oza oo du ayi anka Ohomorihi me si, oo me ka oza onoo o ro ine varema, d'Ohomorihi o doo ha. Oza o ma si umayiye ini onoo. Ama aa vi oza ee du ayi anka anehẹ kene ni, isu oo sii ve ni.

—2 Anikorinti 7:10

Iní ireha aní a vaa yàa kà enube oyíaa yí aza kà è ro iné varema huuni ebira odivi eníni, d'Ohomorihi ò va-gu wa iní ivi eníni. E vee nyimaa hure Ijerusaremu, d'è va-vọ kàa pooro na ngu avaba ehe.”

—Iruuku 24:47

D'Ijeesu kàa yọ ka: “Emi eyi re jì ivi wu; waa na, asu u kuku vana me ivi!”

—Ijoonu 8:11b

Ij'Ijeesu re ka eé sị ayi tura oni, d'ọ kàa yi osuengu onọ ka: “Ozi, ma raà va-gu wu iní ivi awu.”

—Imaaki 2:5

Áa kàa wu nini ka oze Ijeesu Ohomorihi vaa zii me vaagu wu nini iní ivi awu nini ni. Ohomorihi ọ raà sịọọ tú eba éyi uvọri

ani, ka ò vi Ohinoyi oniri Odozaha. D'ò re me ka Anisrerinini è ro iné varema, d'ò va-gu wa iní ivi eníni.”

—Apositeri 13:38b; 5:31

“Re, mi jee enoze, maa si uvọ ká oze. Oza ana àa wú ongué ami, d'ọ na oze ni, di mi ngu eehi kàa na. Di mee pee ri isa d'oni ree pe mii ri isa.”

—Ete ore 3:20

Waa va-gu aza iní ivi en'e me hi wu nini, Ada awu ebeeba oni re vaa vaa-gu wu nini bee.”

—Imatiyu 6:14

Ama yàa ọ irenu ivi ayi, ọ vaa vaa-gu yi iní ivi ayi, nyina yi, di i ni huni avaba isa odivi, aguvika ọọ nyi iza, a zu sị ayi tura.

—1 Ijoonu 1:9

Waa si avaba ayi awu ninii tú iní isa ebeeba; asu u si ayi awu niní tú iní isa ehe ononí!

—Anikorose 3:2

Asu u nyi uvo tú iní ebira irahu kene-kene an'aza aa me niní! Ama ewu niní ò re ka waa si engu ebira enee ve iní ibamba niní!

—Anehueesu 5:11

Asu u si eyi tú iní ehe oniri isa ene hi iní ehe! Oza ana aa si eyi tú iní ehe, oyi kuku zu si ireyi Ohomorihi Ada ayi. Avaba isa ene hi iní ehe yi: Isa odivi on'ochengu azaa si, isa an'aza si eyi tú iní aní, d'eyi enini eyi huni aní, oniri isa ehe ononí on'ozá si me eyi.

Avaba isa eneni ayi vi ida Ohomorihi Ada ayi e hure ve, ehe e vi ni. —1 Ijoonu 2:15, 16

Ohomorihi o raà si ayamva aní zú avaba aza, ana zú me ka avaba aza e zú há. Ayamva onoo aa sii zú yi ka ya hure avaba ebira on'-Ohomorihi oyi si uvo, oniri isa ehe ononí on'ochengu ayi si, ama di yaa me ebira ireyoye, di yaa me isa ana voro oniri isa on'Ohomorihi si iní ehe oni i ya aani.

—Itiitu 2:11, 12

Waa navo Ohomorihi tite niní anka osereka ana navo ova aní tite avoo. Waa ye ka oza ene si ireyi isa iní ehe ononí vi onivi Ohomorihi? —Ijemisi 4:4a

Wáa yẹ nīnī ka Ijeesu Kristi vī
 ọ̀nīrẹyízẹyíza; aguvavọọ wa rẹ yẹ
 ka ọza ana áa mẹ ísa ana vọrọ, ozi
 Ohomorihi ọ vī nī. Yáa yẹ ka ezi
 Ohomorihi ọ mā kúkú aa yīī mẹ
 ịvī, ama oō sere ẹngụ anī, d'Èchu
 ọyī nyẹngụ kanyịọọ.

—1 Ijọọnu 2:29; 5:18

Ọza ọ̀nīrī Ikristi ọọ sī vī ọnya,
 ọza ọ̀nọọ ọ sī vara ọza ọwọọwa. Ísa
 ọkúkú ọ sī para hu, ọwọọwa ọ
 kúkú vẹ nī. —2 Anìkọ̀rìntì 5:17

“Oyi vī anaā vẹ kẹnẹ ka oni ò ve
 yi ísa, d'ọ̀nī ò wu ọza, d'oni ò re du
 ísa ha. Áa vī ẹmī yọ, ẹmī vī ana vẹ
 ẹhẹ ka ma sī ẹhẹ obooro-oboro yi
 aza, ana hī ka ọza oyi zu sī irenu
 juwe anī.” —Ijọọnu 10:10

D'Ijeesu túọọ ohi, d'ọ ka: “Dí
 ma kà ịrẹyí ịzẹyíza wu: ayí nyí ọza
 ana nyẹngụ ngụ iz'Ohomorihi yà
 aa mẹ ijọva, àyí vī e tenyiọọ ma.”

—Ijọọnu 3:3

Ama Ohomorihi ọ sī ịvī awu nīnī
 nyina kuooze, ọ sī wu nīnī nyí ka
 wa vī aza ọ̀nīnī anī. Ini oze ịrẹha
 Ijeesu Kristi Ananyí-yí ọ̀nīrī Ûhụẹ
 Ọ̀nīnī, ọ raà jì ihī wu nīnī.

—1 Anìkọ̀rìntì 6:11b

Ohomorihi ọ sī wu nīnī tenyi ma
 ini oze ịrẹyí anī ana yàra, d'ọ rẹ jẹẹ
 pooro. Ayí vī ọza ana hī ka oō sú, o
 tenyi wu nīnī ma, ama Ohomorihi
 ana yàra zina-zina pooro yọ nī.

—1 Ipita 1:23

Ikristi ɔni uvota ɔo si iresu do
uya ivi ayi, a me kanyioo za ochi
apavahi, aguvu di ya kuku si mee
oku avoo d'asi i kuku zu me ivi, di
ya kuku me izeyiza. Ini oze unava
an'a tuoo, o si me wu nini iku ni.

—1 Ipita 2:24

Waa ye nini ka a si ewuri Ijesu
ha huuni isu nini. Aguvavoo waa
si eyii tu ini isa ana ya ebeeba!, iz'
Ikristi yaaite eyi uvori Ohomori-
hi. Waa si avaba ayi awu ninii tu
ini isa ebeeba; asu u si ayi awu ni-
ni tu ini isa ehe ononi! Wee wusu
nini. A raà si uhue awu nini te ida
Ikristi ana ya ida Ohomorihi.

—Anikorose 3:1-3

Aza ana vi aza Ijesu e raà si
avaba ebira edivi enee en'e vidii
me kuooze beri avaba ariro odivi
enini; e raà kanyioo za ochi apava-
hi. Uhue Onini o si eyara obooro yi
ni, aguvavoo a navo Uhue Onini
onoo o ree zu yi oze ini avaba isi
yaa me!

—Anigaratiya 5:24, 25

Aa vi ireyi ivi oyime yo, vi i si
mee anka oku avoo ni. Yaa vavoo
wusu, yaa kuku nyengu aa yii me
ivi? Ewu nini o re vavoo re engu
awu nini ka ini ireyi ivi oyime, oku
u vi nini ni! Aguvika ewuri Ijesu
Kristi o si vi onya nini, Ohomorihi
u kuku yara yi nini ni.

—Aniroomu 6:2b, 11

Oza an'aa me isaa yi engu ani
 kehe, o vee re ka v'oni vee vuete
 ni. Ama oza ana aaa me isa aguvi
 Uhuo Onini, Uhuo Onini vaa me
 ka o yara pooro zina-zina ida
 Ohomorihi. —Anigaratiya 6:8

A vaa nyi ka a si emi Ozi oza
 onigirimaa tu eba, anka Imose me
 si ewu tu eba ini unomi iyeeye
 avoo, aguvi aza ana aa si ayi tura
 mi, as'e kuku vuete, ama d'e zu
 yara ida Ohomorihi pooro zina-
 zina.” —Ijoonu 3:14, 15

Oza ana aa si ayi tura Ozi
 Ohomorihi onoo oo yara pooro
 zina-zina. Ama oza ana aa me
 akamawu hi Ozi Ohomorihi onoo,

oyi vaa yara pooro zina-zina.
 Oyiku Ohomorihi vi an'aa yaa
 iresu.” —Ijoonu 3:36

Isu o vi uta en'ee si oza ana me
 ivi ni. Isa on'Ohomorihi si yi ohe
 kehe oni vi ka oza vaa yara ida ani
 pooro zina-zina ini ka eyiri Ijesu
 Kristi Ananyi-yi o si vi onya.
 —Aniroomu 6:23

“Izeyiza m maa kaa wu nini ni,
 oza ana aa wu ireyi ami, d'o si ayi
 tura oza ana tu mi ve ehe ni, o vaa
 yara ida Ohomorihi pooro zina-
 zina. Oyi kuku vaa ri ivi, ama o si
 ha huuni isu, o kuku vaa yara ida
 Ohomorihi pooro zina-zina.”
 —Ijoonu 5:24

Oza ana àa dọ ọda ami, d'o si eyi pee ni, oni o si ireyi ami ni. Ada ami oni re vee si ireyi oza ene èe si ireyi ami. Emi re vee si ireyi oza onọọ, di mi re si engu ami zùọọ.”

—Ijoonu 14:21

Uhue Onini uvota ọọ dọ ayi ayi ivenu ka ezi Ohomorihi i vi ni.

—Aniroomu 8:16

Ivenu on'Ohomorihi dọ, yi: Ohomorihi ọọ me ka ya yàra ida ani pooro zina-zina. Aguvì Ozi ani i vavọọ nyengu si yàra ni. Oza on'oniri Ozi Ohomorihi ọọ va-be, oni ọ vavọọ vaa yàra ni. Ama oza on'oniri Ozi Ohomorihi ọyi va-be, ọyi zù vavọọ yàra. Maa chere isa

enenii túu hi wu nini, aguvì d'ewu nini ana si ayi tura Ozi Ohomorihi, ọ zù ye ka wa si yàra nini ida Ohomorihi pooro zina-zina.

—1 Ijoonu 5:11-13

D'à zù ye ka ezi Ohomorihi u vi nini ni, Ohomorihi ọọ si Uhue Onini Ozi ani tú ini ayi awu nini, d'ee nowu ka: Ada ami!

—Anigaratiya 4:6

Is'e zù si zù ka eyiri Ohomorihi vi onya oniri ka eyiri Ohomorihi ọ si va-be, ọ vi ka ọ raà si Uhue Onini anii yi.

—1 Ijoonu 4:13

Yàaa saasa ireyi Ohomorihi, oni ọ va sii zù ka yàa ye Ohomorihi ni.

—1 Ijoonu 2:3

“Booro aani, maa ve ida awu. Maa ka isa eneni, m me yi ya ini ehe aani, aguvi d'e zu nyi inohine ami tu ini ayi enini, d'o gu.”

—Ijoonu 17:13

“Ayí awu nini o si du booro aani, ama mi vanaa ve vee hee wu nini; ijono ayi awu nini vee hine eteetere. Ayi nyi oza ana va zuu do wu nini engu ayohine onoo. Pooro ve tu oyaani, aayi nyi isu u huse ini ireha ami nini da. Huse isa nini, u vee ree do nini! Onoo o vaa me ka iraje awu nini o zu gu ni.”

—Ijoonu 16:22, 24

Ohomorihi aaa me ijovaa tura oza, ayi vi ireyi isa oyiri oniri oyihu kene, ee si ayi tu ini ani.

Ama enini vi eneē si ka eni ee me isa ana voro, d'e nyi enguoro beri iraje oyije. Uhu Onini oo si isa enenii yi aza ni. —Aniroomu 14:17

Emiri Ikristi a kanyi za ochi apavahi, di i su ni. Ama ma yi yara, ayi vi emi uvota, Ikristi o yara inine ami ni. Oyiya on mi yara ini ehe booro aani, maa yara aguvika maa si ayi tura Ozi Ohomorihi ene si ireyi ami, d'o si engu ani me isovo yi mi.

—Anigaratiya 2:20

“M maani aa ka ireyi ononii wu nini, aguvi d'iraje on mi nyi, o zu ya ini ayi awu nini, ijono d'iraje awu nini kuku si gu.”

—Ijoonu 15:11

Wáa yẹ nini ka ọza ọnu wáaà hure ẹngụ awụ nini ụvọ yi anka ọrihi, áa nyi ka waa me isa ọn'òò kà. Ọza ọnu wáa vavọọ aa wú ireyi ani, ọrihi ọza ọnoọ u vi nini ni. Wa zu hure ẹngụ awụ ụvọ yi ivi, ọn'odirema ani vi isu; wa re nyengụ aa me is'Ohomorihi òò kà, ana vaa me ka Ohomorihi ò jì ihii wu nini.

—Aniroomu 6:16

Ama ọ vaa si uhụotuu yi beri ewu nini an'aa ri uya booro aani, ihi Ijeesu Ananyi-yi òò si ẹngụ zu hure ebeeba ve beri anggeeri anini ana nyi ukata. D'ọ si ira giri-giri ve, d'o ve si atọ yi aza ene eyi ye Ohomorihi d'eyi re do enu-

be oyiza Ijeesu Ananyi-yi wú. Uya en'e vaa ri ọ vi ka enini vee vuete pooro zina-zina, d'eyi re eyi Ananyi-yi ọniri igirima ani beri ukata ani paa.

—2 Anitesaronika 1:7-9

Ayi vi ka v'ọza aa wú ireyi oda ọnoọ kene, d'Ohomorihi wuse ji ihii yo ni. Eyiye, ij'ọza aa me isa ọn'oda ọnoọ kà, ijonoọ Ohomorihi vaa ji ihii yo ni.

—Aniroomu 2:13

Aza ana àa nyina ita enini ka à zu si oze yi wa ka è ri etutu ochi anaà me ka ọza ò yàra pooro zina-zina, d'enì è re zu zi oze ini ekura ọnoọ ngu eehi, vaa daa je."

—Ete ore 22:14

Avaba ẹnini rẹ vaa si irenu ẹnini kaa ka Ijesu Kristi o vi Ananyi-yi ni. Onoọ rẹ vaa si igirima yi Ohomorihi ana vi Ada ani.

—Anihuripi 2:11

“Oza ana aa do irenu eyi aza ka aami oni vi ni, emi rẹ vaa do irenu ọvidi Ada ami ebeeba ka aami oza onoọ vi ni. Ama oza ana aa rẹ kaa eyi aza ka oni ọyi ye mi, emi rẹ vaa kaa ọvidi Ada ami ebeeba ka emi eyi rẹ yee.”

—Imatiyu 10:32, 33

Waa si irenu awu do ka hiin, Ijesu o vi Ananyi-yi ni, du u rẹ si ayi awu do wu ka Ohomorihi ọo haa kẹete huuni isu ni, Ohomorihi vaa do wu ha. Oza ana aa si

ayi ani tura Ohomorihi, d'Ohomorihi zaa irika tu ini onireyizeyiza. Oza ana aa si irenu do ka oni ọo si ayi tura Ohomorihi, d'Ohomorihi doo ha.

—Aniroomu 10:9, 10

Oza ene eyi do Ozi Ohomorihi, on'o vi ka ọyi rẹ ya ida Ohomorihi Ada ayi. Ama oza ana aa si Ozi Ohomorihi do, ya ida Ohomorihi Ada ayi.

—1 Ijoonu 2:23

“Aguvavoo, aa nyi oza onu uhi aami auyi oniri ireyi ami, emi Ozi oza onigirima rẹ vaa nyi uhi aani, iji maa va-ve ini igirima ami beri igirima Ada ami oniri aanggeeri onini-nini.”

—Iruuku 9:26

Sì ụvọ za ẹngụ awụ nini, dū wa
sì eyi pe ẹtẹ nini!, aguvika Echu
ana vi ọnivi awụ nini, aa nguọọ
ziizi anka idu en'ee nowuu zi avọ,
ee si oza ọn'ọọ wụ rị. —1 Ipita 5:8

Ijono d' Uhu Ọnini si Ijesu
hire nọ ini unomi ka Echu ọ na
zamaa re ni. Ijono d'Ijesu kaa
yọ ka: “Và irema ami, ewu Isitani,
aguvika aa chere ka: ‘Waa tana
tura ete yi Ohomorihi Ananyi-
yi!; oni inyara kene u re vaa heke
ni.’” Ijono d'Echu kuooze yọ,
d'anggeri-nini vaa me oziahu yi
Ijesu ni. —Imatiyu 4:1, 10, 11

Ireyi odirema oni mee si ka ma
ka wu nini yi: Waa do ukataa
huni ẹngụ Ananyi-yi du wa zu

nyi kata!, aguvika oni o nyi avaba
ukata ni. Avaba enya ireku
on'Ohomorihi kuu yi oza, kuu
nini! Ono vaa me ka wa zu va eyi
ka evene Echu nini.

—Anehueesu 6:10, 11

Oza odivi ono vidi vaa si ukata
Echuu ve, d'aa sii me ukoro ivopa
oniri ohiozirenu ireche.

—2 Anitesaronika 2:9

U vaa ha wa eyi, du wa vara wa
huni irahu va ngu ini etohueyi.
Du wa re si wa huni uvo Echu ve
ida Ohomorihi, di ma va-gu wa ini
ivi enini, ee si ayi tura mi. D'en e
re zu nyi aha enini ini akakana aza
oni mi si nyi yi ẹngụ ami.”

—Apositeri 26:18

Ezi anị enee vi aza r'eyi iresu. Aguvavoo, Ijesu oo ve ehe, d'oo ya anka enini gede-gede ni, ka oni o su, d'oni o du ukata Echu ha. Echu o nyi ukata isu ni.

—Aniheberu 2:14

Ama oza ana aaā me ivi, ozi Echu o vi ni, aguvika Echu vi anaā me ivi d'a va ye ka aa me ehe. Aguvavoo Ozi Ohomorihi ve ehe ka oni o ve vu ukoro Echu ete ni.

—1 Ijonnū 3:8

Se zu si yi huū ida Ikristi ana maani si ireyi ayi aani? Ayodu waa yo? Engukata waa yo? Aa daka si uya ri yi, d'ungue aa ku yi, di yeyi kuku nyi ita ku engu ni, yeyi vaa huū ida Ikristi ene si

ireyi ayi. Ireyi asigiri oo daka ve, a vi ka d'a si uhue ka aa si wu yi, yeyi vaa huū ida Ikristi. Inī avaba ireyi eneni, oz ene si ireyi ayi, aa me ka yaa nyi ebeeba saka-saka.

—Aniroomu 8:35, 37

Aguvavoo ka iresu hi yi Ohomorihi nini! Asu u si oze yi Echu nini!, ka o vee zuee ka naa wu nini. Ka pe Ohomorihi nini, ka oni re vaa kaa pe wu nini! —Ijemisi 4:7, 8a

Ijonnō ogoni d'ozā odivi onno si engu ani zu. D'Ijesu Ananyi-yi si uhue an'aa tuu huuni irenu anii ve, d'oo si wuoo. D'oo re si etohueyi on'oo za ve, d'oo si vuoo ete.

—2 Anitesaronika 2:8

Ọọ daka zee eyi maa si ẹkura azaa kà ireyi, di ma hiaku ree kà ẹkura anggeeri-nini bee, meyi si ireyi oza, ireyi ami vi ana si mee anka enyuse an'aa su ireyi wagaa kenẹ avoo, à vi agogo an'aa su wonyii kenẹ. —1 Anikorinti 13:1

Ama Uhue Onini oī me ka oza ọọ vira ini isa eneni ni: ireyi oza oyisi oniri inohine beri enguoro oniri isuuru beri ebira hee oyime oniri ebira ozoza ne beri izeyiza oyime oniri iresuokahi ne beri engu oza oyisi uvọ za. —Anigaratiya 5:22, 23a

D'Ijesu re kaa yo upe ohuva ka: “Isimoni, ozi Ijona, wee si ireyi ami?” D'Ipita re ka: “Hiin,

Ananyi-yi, waa ye ka mee si ireyi awu de.” D'Ijesu re kaa yo ka: “Waa tesi ezi ateme ami!”

—Ijoonu 21:16

“Waa ka wee si ireyi ami nini, u vaa si eyi pe oda ami nini.”

—Ijoonu 14:15

Oza ọọ kaa ka oni oo si ireyi Ohomorihi, d'aa yii ku ayi onohuva ani ni, onireche oza onoo vi ni. Oza ene eyi si ireyi onohuva ani ee'ee re, o meme zu si ireyi Ohomorihi on'oyi re?

—1 Ijoonu 4:20

“Wee si ireyi engu nini, avaba aza vaa ye ka ezirema ami u vi nini ni.”

—Ijoonu 13:35

Avaba is'ɔ mɛ ɛkura Aniju ɔniri
 Ijerusaremu vi eyi ayi. Ama ɛɛ
 kanyioo za apavahi, d'ɛ wuoo ni.
 Ama ihieegweta ani, d'Ohomorihi
 haa huuni isu ni. D'ɔ mɛ ka ɔ
 si engu ani zu gedebee ni. Ayi vi
 avaba aza ɔ si engu zu, ayi vi oni-
 venu on'Ohomorihi vidi si nyi. Eyi
 re ya ini onivenu enee. Eyirioo oo
 ri, yee hu, ɔ mɛ si ha huuni isu."

—Apositeri 10:39-41

Ijesu mɛ yi ha huuni isu kene
 ini enene viri-viri ekuhi ose, d'a hi
 ka Imeri Animagdara ɔ vidi si
 engu zu ni; oni ɔ vidi du uhue echu
 himba huuni engu ani ni.

—Imaaki 16:9

Irema ekuhi hinta para hu,
 d'ezirema Ijesu re ku gu hi ini
 eehi ni. Itomoosi kuku ya izoo pe
 wa. Oze vi vi oyichire, d'Ijesu re
 vana va jee ini akakana enini ni.
 D'ɔ re ku wa ka: "Enguoro o ya
 pe wu nini!" D'Ijesu kaa yi
 Itomoosi ka: "Si igege awu tu
 izeni, du we re uvo ami! Re tana
 uvo awu, du wa si tu ini akaha
 ami! Asu u re kuku mɛ ayi eeva,
 waa doo wu!" D'Itomoosi tuoo
 ohi, d'ɔ ka: "Ananyi-yi, Ohomori-
 hi ami!"

—Ijoonu 20:26-28

Oni ɔ sioo chire aza uvo ka e
 wuoo aguvi ivi en'eyi mɛ ni.
 D'Ohomorihi re haa huuni isu ka ɔ
 zu ji ihii yi ni.

—Aniroomu 4:25

As'ọnọni hí wu nini irenu, oo!
 Ụmẹ aa vẹ an'avaba oku-nini vaa
 wu ongụ ọni. D'enini jine huuni
 ikuta enini vẹ ehe. Aza ana ọa mẹ
 ọyiza, d'e ha huuni isu, d'e kuku
 yara. Ama aza ana ọa mẹ odivi,
 eni re vaa haa huuni isu, d'eyaa si
 eyii re uya.” —Ijoonu 5:28, 29

Waa ye nini ka eyiri Ijesu
 Kristi o si vi ọnya ini oze ibantisi.
 Aanika weyi nini ka, a mẹ mẹ
 ibantisi yi yi, ọo si zu ka yee wusu,
 anka Ikristi oni mẹ re sú? A mẹ
 mẹ ibantisi yi, v'ọ ya anka eyiri
 Ikristi o dudu wusu, d'e ne eyirioo
 ni. Aguvavoo anka ukata Ada ayi
 ana nyi ubanyi mẹ ha Ikristi
 huuni isu, avoo eyi mẹ re vaa nyi

uhue di i kuku yara, di yaa mẹ ehe
 owoowa ni. Eyiri Ikristi ọo si vi
 ọnya o mẹ sú, avoo eyirioo mẹ raa
 vi ọnya ini ka Ohomorihi re vaa ha
 eyii huuni isu, anka o mẹ ha
 Ikristi huuni isu. —Aniroomu 6:3-5

Ikristi ọo si ya ini ayi awu
 nini, . . . Ama Uhue Onini vaa mẹ
 ka wa yara pooro zina-zina, aguvika
 Ohomorihi o si ihi ji yi wu nini.
 Ohomorihi o ha Ijesu kuẹtẹ hu-
 uni isu ni. Uhue Onini Ohomorihi
 onoo ọo ya ini ayi awu nini, oni
 ana ha Ijesu kuẹtẹ huuni isu, re
 vaa mẹ ka oku awu nini e ha kuẹ-
 ete. Uhue Onini ani ana ya ini ayi
 awu nini o vavoo vaa mẹ ni.

—Aniroomu 8:10, 11

“Ka ọ̀nị́ vaa dọ́ yíí háa hùnị́
 ụ̀vọ́ ọ̀nị́vị́ ayị́, dī́ yaa hẹ́kẹ́ ọ̀nị́,
 d'así í hí́ angụ́a; dī́ ya vị́ aza ọ̀nị́nị́
 ọ̀nị́rị́ ọ̀nị́rẹ́yị́zẹ́yị́za iní eyí anị́ inị́
 avaba ẹ́hẹ́ ayị́.” —Iruuku 1:74, 75

Ewú nị́nị́ anda ayị́, avaba ayị́ a
 kàa ka a vaa mẹ́ ísa ẹ́nẹ́ẹ́ yí nị́.
 Agụ́vavọ́ọ à vẹ́ ya nyị́na ẹ́ngụ́ ayị́
 hùnị́ avaba ís'ẹ́ẹ́ mẹ́ ka as'ẹ́ngụ́
 ọ́za ọ̀nị́rị́ ayị́ ọ́za nị́! À vẹ́ ya vị́
 ọ̀nị́nị́ saka-saka iní oze angụ́ahi
 Ohomorihi ọ́yinyị́!

—2 Anikọ́rinti 7:1

Izẹ́yị́za, ẹ́mị́ aa sì enyíí mẹ́ íban-
 tisí wú nị́nị́ nị́ ana sì zù ka wée ro
 inẹ́ varema nị́nị́. Ama áa nyị́ ọ́za
 an'aa vẹ́ irema amị́. Ọ́za ọ̀nọ́ọ́ ọ́
 banyị́ hu mí nị́. Mẹ́yị́ hiakụ́ yà ọ́za

an'a vọ́rọ́ ka ò kú adava anị́. Ọ̀nị́
 vị́ ana vaa sì Ụ́hụ́ẹ́ Ọ̀nị́nị́ berí íra
 mẹ́ ibantisí wú nị́nị́.”

—Imatiyu 3:11

Ohomorihi Ada ayị́ ọ́o vidi sioo
 ro títẹ́, d'ọ́ va nyị́ wú nị́nị́ nị́. Ọ́ọ́ sì
 Ụ́hụ́ẹ́ Ọ̀nị́nị́ anị́ nyị́ wú nị́nị́ títẹ́ yí
 ẹ́ngụ́ anị́, ka waa wú ireyị́ Ijeesu
 Kristi nị́nị́, d'è che anya anị́ sẹ́ wu
 nị́nị́.

—1 Ipita 1:2a

Ọ́za ana áa sì ẹ́ngụ́ anị́ hùnị́
 avaba ísa edivi ẹ́nẹ́nị́, vị́ ana vaa
 yà anka ẹ́nya an'a sị́ mẹ́ ísa
 pataki, agụ́vika ọ́ raà sì ẹ́ngụ́ anị́
 tú irenyí yí Ọ́ga anị́; ọ́ rura Ọ́ga
 anị́ mẹ́ ụ́kọ́rọ́. Ọ́o tenyí ẹ́ngụ́ ka
 Ọ́ga anị́ ọ́ọ́ sì ọ̀nị́ mẹ́ ụ́kọ́rọ́ ozoza-
 ozoza.

—2 Itimoti 2:21

Aguvavọọ Ijeesu oni o re sú
ířema ẹkura, aguvì d'ò sị anya anì
nyina aza, d'ẹ nì hụnì ìvì ẹnì. —Aniheberu 13:12

Hure ụmọrụmọ d'a va ye ka aa
mẹ ẹhe, Ohomorihi hure nyi yi
aguvì Ikristi ka yaa mẹ ebira
onini, d'asi i nyi ohuvọ ini eyi anì,
di yee sị ireyi aza. Kuku nyi ebira
owọwa on'Ohomorihi mẹ véné
engụ anì nini! Engụ ebira onọọ vi
anaa mẹ isa ana vorọ, d'ọ nì, d'o re
zé Ohomorihi eyi.

—Anehueesu 1:4; 4:24

Sị vuri, du we re ka waa sị
engụọọrọ pe aza aa mẹ; du wa re sị
vuri du we re ka waa mẹ ebira
onini nini! Aguvika aza ene eyi

vavọọ mẹ, eyi ve zuu re Ananyi-yi.
—Aniheberu 12:14

Ama yaa do irenu ìvì ayi, ọ vaa
vaa-gu yi ini ìvì ayi, d'ọ nyina yi,
di i nì hụnì avaba isa odivi,
aguvika ọọ nyi izeyiza, a zu sị ayi
turaa. —1 Ijoonu 1:9

U mẹ sị ye nini aani ka aani
avaba isa mẹ vee vuete nì, ye engu
ebira an'a vorọ ka wa mẹ nini!
Aa vorọ ka ẹhe awu nini ọ vi onì-
nì, du wa sị engu awu nini yi Oho-
morihi saka-saka, du wa mẹ ebira
ene zé Ohomorihi eyi! —2 Ipita 3:11

Ohomorihi ana hí wu nini, vi
onini; aguvavọọ ewu nini ọ re vi
onini ini avaba ebira awu nini!
—1 Ipita 1:15

Ij'e sị aduwa me ta, d'iz'e kú gu henyi nị. D'Uhue Onini do ayi avaba enini, d'eyaa sị otuturumaa ka ireyi Ohomorihi nị.

—Apositeri 4:31

Uhue Onini o raà do avaba ayi Istivini, d'ee re ebeeba gegege, d'o re igirima Ohomorihi nị. D'o re re ka Ijeesu jee eyi uvori Ohomorihi nị.

—Apositeri 7:55

Ama Uhue Onini Ohomorihi odo ya ini ayi ewu nini, weyi kuku si ayi tu ini isa on'ochengu awu nini si kene. Isa ene ze Uhue Onini eyi, u si ayi tu ini ani nini nị. Aza on'Uhue Onini Ikristi oyi ya ini ayi ani, ayi vi aza Ikristi e vi.

—Aniroomu 8:9

Ewu nini ana vi oza odivi, waa ye ka aa voro ka wa si isa oyiza yi ezi ewu nini. U mememe va ye ka Ada awu nini ebeeba oyi vaa si Uhue Oninii yi aza ana aa hoo use ani.”

—Iruuku 11:13

“Ij' Uhue Onini odo ka wu nini ve, u vaa do ukata nini.”

—Apositeri 1:8a

Ibanaba vi oza oyiza. Uhue Onini odo do avaba ayi ani, d'o re si ayi tura Ohomorihi eteetere nị.

—Apositeri 11:24a

Ezirema ene hi Antiyoku ee nyi inohine eteetere. D' Uhue Onini do avaba ayi enini nị.

—Apositeri 13:52

“Ama we vidii si ka Ohomorihi
 oo me ijova tura wu nini, du wa
 ree me isa ana voro da!, ka o vaa si
 avaba isa ana vo aanii tuoo yi wu
 nini.”
 —Imatiyu 6:33

“Tamayi, mi vaa yaa pe wu nini
 ini avaba umu pooro ne tu ozaresu
 ehe.”
 —Imatiyu 28:20b

D'Ijeesu ka: “Su waa ka ke,
 maa nyenguu? Oza ana aa si ayi
 tura mi, o nyengu me avaba isa
 bemi-bemi.”
 —Imaaki 9:23

Anda ayi nini, as'o hi wu nini
 eyi aguvi uyori ebanyi-ebanyi
 en'ee tu wu nini, d'aa zama wu
 ninii re! Asu u ree ireyi ozoga nini!
 Ama waa je nini!, aguvika waa ri

uya nini, anka Ikristi me re ri uya,
 aguvi ihii ubanyi Ikristi oo si engu
 zu, ayi awu nini o zu hine hu avoo.
 —1 Ipita 4:12, 13

Ohomorihi vee nyee avaba egoo
 huuni eyi enini. Ayi kuku vaa nyi
 isuooza, ayi nyi ayodu, aa vi orere.
 Ayi re kuku nyi is'e vaa zi oza,
 aguvika isa iyeeye ee ta saka-sa-
 ka.”
 —Ete ore 21:4

Ini oze e onee o raà si eyiza ob-
 anyi enee yi on'o vidi zee yi izeze.
 Isa obooro e vi yi ni. Oo vavoo
 mee, aguvi ti ya nyengu ha huuni
 isa edivi ehe ononi on'ochengu
 azaa si, ka ya kuku va nyi tu ini
 ebira Ohomorihi nini. —2 Ipita 1:4

Ọọ rì uya, a mē zamaa re;
aguvavọọ aza ana àaa zamaa re, ọ
zụ gụ wa ụvọ. —Aniheberu 2:18

Ohomorihi anaā sị ẹngụọọrọọ yì,
oyi vee kù d'ò kà Echu ngụ ẹtẹ, dù
waa kú ahụụ hiọọ nìnì.
—Aniroomu 16:20a

Yáa yẹ ka avaba ịsa ana àa mẹ,
vị on'Ohomorihi mē ka ò vị oyịza
yị aza ene sị ịrẹyị anị; ọn'ọ vị ka
aza ọn'ọ sị hí, anka ọ mē mē eto
anị.
—Aniroomu 8:28

Ayị nyị oyizamare ene tù wu
nìnì, ana hí ka oòyi tù aza da.
Ohomorihi ọọ nyị izẹyiza. Oyị vaa
zẹẹ ka à zama wụ nìnì re huna ọpa
ọnụ ụ zụ sị ẹngụ dọ nìnì. Oyizam-

are òọ vẹ, Ohomorihi vaa sị ụka-
taa wụ nìnì ka wa zụ sị ẹngụ dọọ,
d'ọ rẹ mē oze ọnụ ụ vaa zịi há hụ-
nị anị nìnì. —1 Anikọrinti 10:13

Ụya kiiki ọnị yaa rị yị ụmẹ chee
aanị, vaa sị ịgiriama ana banyị hu
avọọ ẹtẹetere vaa yị. Igiriama ọnọọ
vị ana yà pooro zina-zina.
—2 Anikọrinti 4:17

Ọza ana àa zama re, d'òyi rẹ va
aa hiẹdụ nị, ọ vaa daa jẹ; aguvika
ij'aa sịọọ zama re, d'ọ jẹẹ geri-geri
nị, Ohomorihi vaa sị ẹyizaa yọ,
ana vị ka ò yàra ịda anị pooro
zina-zina. Ohomorihi ka ayị zụ nyị
ka ọnị oyị vaa sị ẹyara ọnọọ yị aza
ene èè sị ịrẹyị anị. —Ijemisi 1:12

“Oza ana àa nyi ehuna, a vaa si ita ovuū chiree. Meyi vee du ireha anii huuni iwe on'ireha aza ana yàra pooro zina-zina hi. Mi vaa kàa óvìdì Ada amì onìrì anggeeri anì ka aza amì o vì nì.” —Ete ore 3:5

“Oza ana àa nyi ehuna, mi vaa si ozee yò ka ò yaaite pe mi ini aga ohinoyi amì, anka emì mè re nyi ehuna, dì mi yaaite pe Ada amì ini aga ohinoyi anì.” —Ete ore 3:21

“Oza ana àa nyi ehuna, mi vaa si o me ohine tũ ini irehi Ohomorihi amì, oyi kuku vaa huuzo pooro. Mi vaa chere ireha Ohomorihi amii tũo engu, oniri

ireha ekura Ohomorihi amì ana vi Ijerusaremu owoowa ana vaa hure ebēeba iba Ohomorihi amii chii ve. Dì mi re chere ireha amì owoowa tũo engu.” —Ete ore 3:15

“Oza ana àa nyi ehina, onì o vaa do isa enenii huuni uvò amì nì: Mi vaa vì Ohomorihi anì, d'onì vì ozi emi.” —Ete ore 21:7

“Oza ana àa nyi uto, ò si uto pe isa on' Uhue Onini aa kàa yi aniragu Ohomorihi! Oza ana àa nyi ehuna, mi vaa si o daa yò ka ò rì etutu ochi anaā mè ka oza ò yàra pooro zina-zina, ana yà ini Aha Oyiza ida Ohomorihi.”

—Ete ore 2:7

Yi evarose-nini, maa me odaa yi wa ka as'a nyi onee ene yi ova ani tite. Ayi vi emi kene aa kaa wu nini, avoo Ananyi-yi me mee oda ni. Onee oo ka oni ee yi ova ani, o kuku na yaaita, as'o nyi onoru ova! Ayi vi avoo oniri ova ani e varema ze. As'onoru oni re ne yi ose ani tite! Onee on'ova ani oo yi yara, oda oyi zee ka o kuku na nyi onoru ova. Ama ova ani oo wusu, oo re oze nyi oza ene ee zee eyi, anka Ohomorihi me sioo.

—1 Anikorinti 7:10, 11, 39

Waa ye ka onee ana nyi onoru, oda oo zaa ka o ya ida ova ani, ova ani oo yi ya ehe. Ama ova ani oo wusu, oda oyi kuku zaa ka o yi ya

ida ani. Ini oze avoo, ova ani oo yi ya ehe, d'o no ida onoru ova ni, osereka a vaa hioo ni. Ama ova ani oo wusu, oda onoo oyi kuku zaa. Aguvavoo oo na nyi onoru ova, oza oyi kuku zu hioo osereka.

—Aniroomu 7:2, 3

“Oza ene ee yi ose ani, d'o na nyi ova ni, oo se ireka. Oza ana aa na nyi oza en'e yi tite, oni o re se ireka.”

—Iruuku 16:18

“Ama ema kaa wu nini ni ka oza ene ee yi ose ani, ayi vi o huhu se ireka, o mee ka o se ireka, (oo na nyi onoru ova). Oza ana aa nyi onee onoo en'e yi, vi ana re se ireka.”

—Imatiyu 5:32

“Maa na si aha tenyi tite wu nini, mi raa vaa-ve, di ma va si wu nini ne pe engu, aguvu izi maa ya, d'ewu nini o re ya izoo.”

—Ijoonu 14:3

“Ijono, d'a nyi apoterewa emi Ozi oza onigirima ebeeba. D'avaba anehe aa ji orere, d'e re ka emi Ozi oza onigirima aa ve ini eguhi ebeeba beri ukata, oniri igirima.”

—Imatiyu 24:30

“Aguvavoo aa nyi oza ini anehe edivi-edivi eneni, an'aa me uhi nyi mi oniri ireyi ami emi Ozi oza onigirima re aa me uhi nyioo iji maa va-ve ini igirima ada ami beri anggeri onini nini.” —Imaaki 8:38

Ewu nini anda ayi, booro aani ya i si vi ezi Ohomorihi; ama yeeyi ye i me vaa ya. Yaa ye ka ihi Ikristi oo va-ve, i vaa ya anka oni me re ya, aguvika i vee ree gedebbee anka o me ya. Oza ana aa nyi engu oyit-ureyi ononi, aa me ebira onini, anka Ikristi me re ni. —1 Ijoonu 3:2, 3

“Aguvavoo, ewu nini o re vavoo zi!, aguvika emi Ozi oza onigirima vi ana vaa ve ini umu onu weyi ro nini.”

—Iruuku 12:40

“Aguvika Ozi oza onigirima vaa ve beri anggeri-nini ini igirima Ada ani; ijono d'o si ugu ukoro ozoza yo anka ukoro ozoza.”

—Imatiyu 16:27

48 IREYI OHOMORIHİ

Aguyika ayi nyi ume an'aza zu si kueete kene d'ee ka ise, anka e me sioo. Ama aza onini Ohomorihi ee ka ireyi, anka Uhue Onini maa zu wa ireyi. —2 Ipita 1:21

Ohomorihi o me ka a chere avaba Iwe ani tite ni. Iwe onoo o zu si si izeyiza zu aza, o re zu tu oza ohuvo, o zu voro oza ji oze, a re zu si pe oza juwe, a mememe voro ka oza oo me ebira ana voro.

—2 Itimoti 3:16

“Uhue Onini oo me ka oza o ya-ra ni; ireyi oza vi osusu kene-kene. Ireyi oni maa kaa wu nini aani vi Uhue Onini, o re zu me ka aza e yara.” —Ijoonu 6:63

BADUWA ONIRI JEYIVEH

(Jeesu ka,) “Aguvavoo, waa me engu aduwa ononi nini!: Ada ayi ebeeba, aa voro ka a si ubanyii yi ireha awu. Navo ume ijova awu o ve! D'a me isu wee si ka a me ini ehe ononi, anka a maa mee ebeeba. Navo wa si isa oyiri an'a voro ka ya ri ajini yi yi ajini! Navo wa va-gu yi ini ivi ayi, anka eyi meere va-gu aza ana me isa odivi hi yi. Asu u zee ka a zama yi re, ama do yi huni uvo Echu! (Aguvika ewa vi Ohinoyi avaba isa, du u nyi avaba ukata, du u re nyi igirima pooro zina-zina ni. Aami!) Waa va-gu aza ini ivi en'e me hi wu nini, Ada awu ebeeba oni re vaa vaa-gu wu nini bee. —Imatiyu 6:9-14

Oze Ẹdoha Ohomorihi

Mee si ẹnẹ ẹdoha.

Aguvika avaba aza ẹ si ivi me,
eyi kuku nyi tu ini igirima Ohomorihi.
—Aniroomu 3:23

Ikristi osu yi mi.

Ikristi o re su aguvi ivi ayi upe
onyaga gene-gene. Ikristi ẹnẹ eyi me
ivi, oo su yi aza ana me ivi, aguvi
d'o zu si yi ve ida Ohomorihi.
—1 Ipita 3:18a

***Maa nyi oyi rine va re ma
hu ini ivi Aami.***

Aguvavoo ro ine varema, du wa
va ka Ohomorihi ve nin, aguvi o
du ivi awu nin kuooze!
—Apositeri 3:19

***Avoro kama nyi ljeesu
ini edowu.***

Ama oza tura oza ana aa doo, d'e
si ayi tura ni, eni oo si odaa yi
ka e vara ezi Ohomorihi ni.
—Ijoonu 1:12

Ma zu ye ka edoha mi onyei.

Oza on'oniri Ozi Ohomorihi oo
va-be, oni o vavoo vaa yara ni.
—1 Ijoonu 5:12a

“Oza ana aa wu ireyi ami, d'o si
ayi turi oza ana tu mi ve ehe ni, o
vaa yara ida Ohomorihi pooro zi-
na-zina. Oyi kuku vaa ri ivi, ama o
si ha huuni isu o kuku vaa yara
ida Ohomorihi pooro zina-zina.”
—Ijoonu 5:24b

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**



World Missionary Press
PO Box 120
New Paris, IN 46553-0120 USA
www.wmpress.org

Read booklets online or by App
www.wmp-readonline.org